

# ЖАЖЖИ МУСУЛМОН

05:00 / 16.02.2017 4443

(болалар учун кичик барнома)

## **Мен кимман?**

Менинг Роббим Аллоҳдир,

Бунга қалбим гувоҳдир.

Пайғамбарим Муҳаммад,

Умматиман тоабад.

Китобимдир Қуръоним,

Унга фидодир жоним!

«Кимсан?» десангиз қай он,

Айтаман: «Мен мусулмон!»

## **Дин**

Билсанг, дин, эй мусулмон,

Иймон, ислом ва эҳсон.

## **Иймон**

Иймон рукни олтидир,

Айтай сизга бирмабир:

Аввал келтирмоқ иймон

Ҳақ Аллоҳга бегумон.  
Сўнгра малакларига,  
Кейин китобларига.  
Сўнгра иймон келтирмоқ,  
Расулларга, эй ўртоқ!  
Охиратга ишонч ҳам,  
Ишонч дилга қувонч ҳам.  
Қадар яхшиёмони,  
Аллоҳдан билмоқ они.

### **Ислом**

Ислом рукни нечтадир?  
Сизга айтсам, бештадир:  
Иймону, намоз, закот,  
Рўза ва ҳаж, тутгин ёд.

### **Эҳсон**

«Эҳсон не?» деб сўрсалар,  
Айтай, синаб кўрсалар:  
Аллоҳга тоат қилмоқ,  
Кўриб тургандек ҳар чоқ.  
Кўрмас эсанг сени Уни,  
У кўриб тургай сени.

## **Аллоҳ таоло**

Аллоҳ бордир ва бирдир,

Ишонмаган кофирдир.

У яратган одамни,

Каттакичик оламини.

Бизни йўқдан бор қилмиш,

Кўплаб неъматлар бермиш.

У Раҳимдир, ҳам Раҳмон,

Бизни севар меҳрибон.

У яратмиш неки бор,

Бизга қилмиш хизматкор.

Биз бандамиз У Зотга,

Шунга келдик ҳаётга.

Кимки бунга ишонмас,

У ҳеч яхши инсонмас!

## **Қуръон Карим**

Қуръон Аллоҳнинг сўзи,

Қалбимиз ризқу рўзи.

Бизга ҳаёт дастури,

Аллоҳнинг сўнмас нури.

Уни ўқиб, тинглармиз,

Севиб амал қилармиз.

## **Расулulloҳ соллаллоҳу алайҳи васаллам**

Аллоҳ элчиси Аҳмад,  
Яъни Ҳазрат Муҳаммад.  
Бизга пайғамбардир у,  
Меҳрибон раҳбардир у.  
Суннати қонун бизга,  
Ибратдир ўғилқизга.  
Бизлар унинг уммати,  
Орзумиз шафоати.

## **Жаннат ва дўзах**

Бу дунё ўтгинчидир,  
Одамнинг юпанчидир.  
Ўлимдан сўнг ҳаёт бор,  
Унда дўзах, жаннат бор.  
Дўзах жуда ёмон жой,  
Кирганнинг ҳолига вой!  
У даҳшатли бир олов,  
Ёнар тинмайин лов-лов.  
Жаннат бир улкан боғдир,  
Кирганнинг вақти чоқдир.  
Ундадир барча неъмат,  
Абадий бахтсаодат.  
Унга кирган бахтиёр,

Ундан қолган бўлгай хор!

### **Мен ИНСОНман**

Мен инсонман, одамман,

Одам авлодиданман.

Инсон бўлиб яшайман,

Яхши ишдан тинмайман.

Мақсадим жаннат топмоқ,

Роббим Аллоҳни кўрмоқ.

Мен содиқ мусулмонман,

Чун ҳазрати инсонман.

Ҳусайнхон Яҳё Абдулмажид

05.11.2013/01.01.1435. Тошкент.